

ТОШКЕНТ ДАВЛАТ ЮРИДИК УНИВЕРСИТЕТИ



**САЙЛОВЧИЛАРНИНГ
РЎЙХАТИНИ ТУЗИШ
ТАРТИБИ**

**ИЛМИЙ-ОММАБОП
РИСОЛАЛАР СЕРИЯСИ**

ТОШКЕНТ ДАВЛАТ ЙОРИДИК УНИВЕРСИТЕТИ

Х.У. ТУРДИЕВ, А.Ш. СОДИКОВ

**САЙЛОВЧИЛАРНИНГ
РЎЙХАТИНИ ТУЗИШ ТАРТИБИ**

(оммабон рисола)

Тошкент – 2021

УЎК: 342.843.1(041)(575.1)

КБК: 66.3(5Ўзб)

Т 87

Тошкент давлат юридик университети Илмий-услубий Кенгашининг 2021 йил 30 июндаги б-сон мажлис баённомаси билан нашрга тавсия этилган.

Х.У. Турдиев

**Сайловчиларнинг рўйхатини тузиш тартиби.
[Матн] / Х.У. Турдиев, А.Ш. Содиков. – Т.: Тошкент давлат юридик университети, 2021. – 18 б.**

Мазкур оммабоп рисолада Ўзбекистон Республикасининг Сайлов кодексига мувофиқ Ўзбекистон Республикаси сайловчиларнинг ягона электрон рўйхатини шакллантириш, сайлов жараёнида замонавий ахборот технологияларидан фойдаланиш, сайловчилар рўйхатига турли сабабларга кўра киритилмай қолган фуқаролар кимга мурожаат қилишлари кераклиги ҳамда сайловчиларни рўйхатга олиш бўйича хорижий тажриба ҳақида маълумотлар берилган.

Рисола кенг китобхонлар оммасига мўлжалланган.

ISBN: 978-9943-7400-1-3

© Х.У. Турдиев, А.Ш. Содиков, 2021 й.

© Тошкент давлат юридик университети, 2021 й.

КИРИШ

Сайловлар мамлакатимиз ижтимоий-сиёсий ҳаётидаги муҳим жараёндир. Мамлакатимиз халқи ўз ҳоҳиш-иродасини сайловлар орқали амалга оширадилар, давлат ишларида, сиёсий ҳаётда иштирок этадилар. Ўзбекистон Республикаси фуқароларининг сиёсий ҳукуқларидан бири бўлган сайловлар орқали давлат ва жамият ишларини бошқаришда иштирок этиш ҳукуқларининг кафолатлари Ўзбекистон Республикаси Конституциясида халқ давлат ҳокимиятининг бирдан-бир манбаидир принципини амалга ошириш мақсадини кўзлайди. Зоро, умумхалқ сайловлари орқали вакиллик органларини сайлаш демократик ҳукуқий давлатнинг энг муҳим белгисидир.

Бирлашган Миллатлар Ташкилоти томонидан 1948 йил 10 декабрда қабул қилинган Инсон ҳукуклари умумжаҳон декларациясининг 21-моддасида “Ҳар бир инсон бевосита ёки эркин сайланган вакиллар воситаси орқали ўз мамлакатини бошқаришда қатнашиш ҳукуқига эга”лиги, 1966 йил 19 декабря қабул қилинган Фуқаролик ва сиёсий ҳукуқлар тўғрисидаги халқаро пактнинг 25-моддасида “ҳар бир фуқаро ҳам бевосита, ҳам эркин сайланган вакиллар орқали давлат ишларини бошқаришда қатнашиш”, “ялпи ва тент сайлов ҳукуқи асосида, яширин овоз бериш орқали ўтказиладиган ва сайловларнинг эркин ҳолдаги ҳоҳиш-иродасини таъминловчи чинакам даврий сайловда овоз бериш ва сайланиш” ҳукуқига эга эканлиги белгиланган.

Ўзбекистон Республикасининг Конституцияси ва унда миллий “сайлов тизими” принципларига бағишлиланган маҳсус бобнинг мавжудлиги Ўзбекистоннинг сайлов қонунчилигини шакллантиришда муҳим қадам бўлди. Сайлов тизими принципларининг конституциявий мустаҳкамланиши сайлов ҳукуки бўйича умумий тан олинган халқаро стандартларга риоя қилинишини кафолатлади. Иккинчидан, конституциявий нормалар сайловга оид қонуллар учун асос, пойдевор вазифасини ўтайди.

Ўзбекистон Республикасининг Сайлов кодексига сайлов жараёнида қатор янги механизм ва технологияларни кўллаш имконини берувчи нормалар киритилди. Сайлов кодексидаги муҳим янгилик Ўзбекистон Республикаси сайловчиларининг ягона электрон рўйхати (СЯЭР)ни шакллантириш тизимининг жорий этилиши бўлди.

Сайловчилар рўйхатини тузиш бўйича амалдаги қонун хужжатларида мустаҳкамлаб қўйилган тартиб амалиётда фуқаролар хоҳиш-иродаси тўлиқ ифодаланишини таъминлабгина қолмай, балки мамлакатимизда ҳар бир фуқаронинг овози муҳим аҳамиятга эга эканлиги, сайловчилар ва номзодларнинг ҳуқуқларини, сайловчиларнинг хоҳиш-иродасини рўёбга чиқаришда далолат беради. Сайловчиларнинг рўйхатини тузиш, овоз бериш кунида сайлов комиссияларига сайловчининг доимий яшаш жойини аниқлаш, унинг аввал қайси сайлов участкасида бўлғанлигини бошқа ҳудуддаги сайлов комиссиялари билан боғланган ҳолда аниқлик киритиши, аввалги сайловчилар рўйхатидан чиқариши ва янги сайловчилар рўйхати иловасига киритиши билан боғлиқ масалаларни тезкорлик билан ҳал этишни тақозо қиласи.

Мазкур масалада сўз юритганда Ўзбекистон Республикасида 2019 йил 22 декабрда ўtkazilgan сайловлар якуни бўйича Европа Хавфсизлик ва Ҳамкорлик ташкилотининг Демократик институтлар ва инсон ҳуқуқлари бюроси (кейинги ўринларда ЕХХТ ДИИХБ)нинг якуний хulosасидаги куйидаги фикрларни келтириш ўринлиди:

“Сайловчиларни рўйхатга олиш пассив (нофаол) бўлиб, сайловчилар ўзларининг доимий ёки вақтингчалик рўйхатдан ўтган яшаш жойларидаги сайловчилар рўйхатига киритилгандар. Бу сайловларда илк бор марказлашган Сайловчиларнинг ягона электрон рўйхатидан (СЯЭР) фойдаланилди. У қайта-қайта овоз беришни камайтириши ва сайловчилар қамровини анча кенгайтиришни олдига мақсад қилиб кўйган”.

Ушбу рисола ўқувчиларга Ўзбекистон Республикаси сайловчиларининг ягона электрон рўйхатини шакллантириши, сайлов жараёнида замонавий ахборот технологияларидан фойдаланиш, сайловчилар рўйхатига турли сабабларга кўра киритилмай қолган фуқаролар кимга мурожаат қилишлари кераклиги ҳамда сайловчиларни рўйхатга олиш бўйича хорижий тажриба ҳақида маълумот беради.

I. САЙЛОВЧИЛАРНИНГ РҮЙХАТИ ҚАНДАЙ ШАКЛЛАНТИРИЛАДИ

Сайловчиларнинг рўйхати фуқаролар сайлов ҳукуқларининг тўлиқ амалга оширилишини таъминловчи асосий хусусиятлардан биридир.

Сайловчилар рўйхатини очик-ошкора тузиш бўйича амалдаги конун ҳужжатларида мустаҳкамлаб қўйилган тартиб-таомил фуқаролар хоҳиши-иродаси тўлиқ ифодаланишини таъминлабгина қолмай, балки мамлакатимизда ҳар бир фуқаронинг овози муҳим аҳамиятга эга эканлигидан далолат беради ҳамда сайловчиларнинг рўйхатини аниқ шакллантириш сайловни ўтказиш чогида қонунийликни таъминлаш, хусусан, маълумотларни қалбакилаштириш ва турли суиистеъмолликларни олдини олиш имконини беради.

Даставвал, сайловчилар рўйхати тушунчасининг мазмунини ёритиб олсак.

Сайловчилар рўйхати – бу сайлов кампанияси даврида участка сайлов комиссияси томонидан тузиладиган сайлов ҳукуқига эга бўлган фуқароларнинг рўйхатидир.

Сайлов кунига қадар ёки сайлов куни ўн саккиз ёшга тўлган, рўйхат тузилаётган пайтда мазкур сайлов участкаси худудида доимий ёки вақтинча истиқомат қилаётган фуқаролар сайловчилар рўйхатига киритилади. Энг муҳим жиҳат шуки, ҳар бир сайловчи фақат битта сайлов участкаси худудида тузилган сайловчилар рўйхатига киритилиши мумкин.



САЙЛОВ КОДЕКСИНИНГ 27 - МОДДАСИ.

Сайловчилар рўйхати

Сайловчилар рўйхатига сайлов ўтказиладиган кунгача ёки сайлов куни 18 ёшга тўлган фуқароларнинг фамилияси, сайловчилар рўйхати шакллантирилвётган вактда ушбу сайлов участкасида доимий ёки вақтинчалик яшаётган фуқаролар киритилади

Сайловчилар рўйхатига ҳар бир сайловчининг фамилияси, исми, отасининг исми, туғилган санаси ва яшаш манзили киритилади

Сайловчилар рўйхатлари Сайловчиларнинг ягона электрон рўйхатини шакллантириши бўйича ахборот тизими маълумотлари асосида тузилади.

Сайловчиларнинг ягона электрон рўйхати (СЯЭР) ваколатли давлат органларининг ахборот базаларига мувофиқ сайловчи фуқаролар, уларнинг доимий ва вақтингча яшаш жойларининг манзиллари ҳақидаги ахборотни ўз ичига олган давлат ахборот ресурси хисобланади.

САЙЛОВ КОДЕКСИННИГ 28 - МОДДАСИ.

Сайловчиларнинг ягона электрон рўйхати

Сайловчиларнинг ягона электрон рўйхати (СЯЭР) тегишли давлат органлари томонидан тақдим қилинган маълумотлар асосида шаклланади ва янгиланади, сайлов компанияси даврида эса ушбу рўйхат жойлардаги сайлов комиссиялари томонидан аниqlаштирилади

Ҳар бир участка сайлов комиссияси ташкил топган кундан кейин 3 кун муддатда ушбу участка бўйича СЯЭРда таксимланган сайловчилар рўйхатининг бирпамчи рўйхатини опади.

Участка сайлов комиссияси сайловчиларнинг бирпамчи рўйхатини олгандан сўнг, ушбу участкада яшовчи аҳолини уйма-уй юриш орқали аниқлик киритиш чораларини кўради.

Аҳолини уйма-уй юриш натижасида сайлов комиссияси томонидан сайловчиларнинг ягона электрон рўйхатига сайловчининг ЖСИР ёки унинг паспорт маълумотлари ёрдамида сайловчани излаб топади ва фамилияси, исми, отасининг исми, туғилган санаси ва яшаш манзилига, унинг овоз бериш хукуқига ўзгартариш киритади

Сайловчиларнинг ягона электрон рўйхати ваколатли давлат органлари томонидан тақдим этиладиган ахборот асосида шакллантирилади. Мазкур маълумотлар тегишли участка сайлов комиссиялари томонидан янгилаётур илиади.

Ҳар бир участка сайлов комиссияси тузилганидан кейин уч кун ичida Сайловчиларнинг ягона электрон рўйхатини шакллантиради.

Участка сайлов комиссияси сайловчиларнинг дастлабки рўйхатини олганидан кейин уни мазкур участка худудида яшовчи аҳолини уйма-уй юриб, маълумотларга аниқлик киритади.

Сайловчилар рўйхатига аниқлик киритиши ишларида жамоатчилик вакиллари иштирок этиши мумкин. Бунда тегишли туман ва шаҳар ҳокимлеклари амалий ёрдам кўрсатади.

Сайлов комиссиялари аҳолини уйма-уй айланиб чиқиш натижаларига кўра, Сайловчиларнинг ягона электрон рўйхатидаги фамилияси, исми, отасининг исми, туғилган санаси ва яшаш жойи манзилига оид тузатишлар киритилиши мумкин.

Сайловчиларнинг рўйхати ҳар бир сайлов участкаси бўйича участка сайлов комиссияси томонидан тузилиб, унинг раиси ва котиби томонидан имзоланади.

Ҳарбий қисмлардаги ҳарбий хизматчиликнинг, шунингдек ҳарбий хизматчилар оила аъзоларининг ва бошқа сайловчиларнинг рўйхатлари, агар улар ҳарбий қисмлар жойлашган ҳудудларда яшаса, ҳарбий қисмларнинг командирлари тақдим этадиган маълумотлар асосида тузилади. Ҳарбий қисмлардан ташқарида истиқомат қитувчи ҳарбий хизматчилар яшаш жойлари бўйича умумий асосларда сайловчилар рўйхатига киритилади.



Санаторийларда ва дам олиш уйларида, касалхоналарда ва бошқа стационар даволаш муассасаларида, қамоқда сақлаш ва озодликдан маҳрум этиш жойларида тузилган участкалар бўйича сайловчилар рўйхатлари мазкур муассасалар раҳбарлари томонидан тақдим этиладиган маълумотлар асосида тузилади.

II. САЙЛОВ ЖАРАЁНИДА ЗАМОНАВИЙ АХБОРОТ ТЕХНОЛОГИЯЛАРИДАН ФОЙДАЛАНИШ

Сўнгги йилларда амалга оширилган исло-ҳотларга мувофиқ, Ўзбекистон Республикасинынг Сайлов кодексига биноан республика миқёсида сайловчиларнинг рўйхати электрон тарзда тузилиши белгилаб қўйилди. Бу эса, ўз навбатида, республикада сайловчиларнинг умумий сони ҳакидағи маълумотдан ташқари, уларнинг шахси ва сайлаш хукуқи учун зарур бўлган маълумотларнинг бир жойда ягона база сифатида жамлаш имконини беради.



Ахборот-коммуникация технологияларини кенг жорий этиш йўли билан Ўзбекистон Республикасининг сайлов жараёнини янада такомиллаштириш мақсадида 2017 йил 15 августда Ўзбекистон Республикаси Вазирлар Маҳкамасининг “Ўзбекистон Республикаси сайловчиларининг ягона электрон рўйхатини шакллантириш ва юритиш чора-тадбирлари тўғрисида”ги 630-сон қарори қабул қилинган.

Мазкур қарор билан Ўзбекистон Республикаси сайловчиларининг ягона электрон рўйхатини (кейинги ўринларда СЯЭР) шакллантириш

ва юритиши тартиби тўғрисида низом тасдиқланган. СЯЭР Ўзбекистон Республикасининг 18 ёшга тўлган (шу жумладан, сайлов куни), доимий ёки вақтингча яшаш манзилига эга бўлган, муомалага лаёқатли, оғир ва ўта оғир жиноятлари учун суд ҳукми билан озодликдан маҳрум этиш жойларида сақланмаётган фуқаролари киритиладиган давлат ахборот ресурси ҳисобланади. СЯЭРга киритилган сайловчи фуқароларнинг шахсий маълумотларидан иборат бўлган ахборотлар билан ишлаш тартиби Марказий сайлов комиссияси томонидан белгиланади.

Сайловчи фуқаро ўзи биринтирилган сайлов участкаси, манзили ва жисмоний шахснинг шахсий идентификация рақамини киритиши йўли билан МСК расмий веб-сайтининг электрон картасида сайлов участкасининг жойлашуви (дислокацияси)га оид ахборот билан танишиши мумкин.


Вазирлар Маҳкамасининг 2021 йил 6 майдаги 286-сон қарорига мувофиқ Ўзбекистон Республикаси сайловчиларининг Ягона электрон рўйхатини шакллантириш ва юритиши тартиби тўғрисидаги низомга айрим ўзгартириш ва қўшимчалар киритилди. Хусусан, мазкур низомнинг 2-банди қуидаги таҳрирда баён этилди:

“СЯЭР Ўзбекистон Республикасининг 18 ёшга тўлган (шу жумладан, сайлов куни), доимий ёки вақтингча яшаш жойи манзилига эга бўлган, муомалага лаёқатли, оғир ва ўта оғир жиноятлари учун суд ҳукми билан озодликдан маҳрум этиш жойларида сақланмаётган фуқаролари (кейинги ўринларда сайловчи фуқаролар деб аталади) киритиладиган давлат ахборот ресурси ҳисобланади.

Ўзбекистон Республикаси фуқаросининг паспорти (агар сайловчи фуқаро чет давлатда бўлса, хорижга чиқиш паспорти ёки дипломатик паспорти) ёки идентификация ID-картаси серияси ва рақами, жисмоний шахснинг шахсий идентификация рақами, фамилияси, исми, отасининг исми (давлат тилида, лотин ёзувида), тугилган санаси (йий.оо.кк), доимий ёки вақтингча истиқомат қилаётган фуқароларнинг яшаш жойи манзили ва унинг кадастр рақами Вазирлар Маҳкамаси ҳузуридаги Давлат персоналлаштириш маркази томонидан тақдим этиладиган сайловчи фуқаролар тўғрисидаги ахборотлар ҳисобланади”¹.

¹ Конун хужжатлари маълумотлари миллтий базаси, 07.05.2021 й., 09/21/286/0433-сон

Қуйидаги шаклда Сайловчиларнинг ягона электрон тизимининг ишлаш схемасини кўришимиз мумкин



Мазкур рӯйхатда сайлов ҳуқуқига эга бўлган фуқароларнинг доимий ва вақтинча яшаш жойлари манзиллари ҳақидаги ахборот акс эттирилади.

Сайловчиларнинг ягона электрон рўйхати тегишли давлат органларининг ахборотига асосан шакллантирилади ҳамда янгилаб турилади.

Сайлов кампанияси эълон қилиниб, участка сайлов комиссияси тузилгач, уч кун ичида комиссия сайловчиларнинг ягона электрон рўйхатида тақсимланган мазкур участкага мансуб бўлган сайловчиларнинг дастлабки рўйхатини олади.

Участка сайлов комиссияси аъзолари сайлов жараёнини бошқаришнинг ахборот тизимиға кириш хукуқини олиш учун округ сайлов комиссиясига мурожаат қиласади.

Участка сайлов комиссиясининг масъул аъзоси тизимга кириб, сайловчиларнинг ягона электрон рўйхатидан сайлов участкасига кирувчи сайловчилар рўйхатининг дастлабки вариантини юклаб олади. Яъни сайловчиларнинг ягона электрон рўйхати барча сайлов участкалар кесимида тегишли участка комиссияларига онлайн тарзда етказилади.

Шундай бўлса-да, ҳар бир участка сайлов комиссияси участка худудида яшовчи аҳолини уйма-уй айланиб чиқиш йўли билан рўйхатга аниқлик киритади.

Сайловчилар электрон рўйхатининг жорий этилиши “ҳар бир сайловчи бир овозга эга” тамойилини рўёбга чиқаришга хизмат қиласади.

Сайлов хукуқини teng амалга оширилишини таъминлаш мақсадида фуқароларга участка сайлов комиссияси биносида сайловчилар рўйхати билан танишиш, шунингдек, Марказий сайлов комиссиясининг расмий веб-сайти орқали сайловчилар рўйхатидан ўзларига тегишли маълумотлар билан танишиш имконияти таъминланган.

III. ЧЕТ ДАВЛАТЛАРДА ТУРГАН ФУҚАРОЛАРНИ САЙЛОВЧИЛАР РЎЙХАТИГА КИРИТИШ

Ўзбекистон Республикасининг чет давлатлардаги дипломатик ва бошқа ваколатхоналари хузурида тузилган сайлов участкаларида сайловчиларнинг рўйхати мазкур муассасалар бошлиқлари томонидан тақдим этилган маълумотлар асосида тузилади.

Ўзбекистон Республикасининг чет давлатлардаги дипломатик ва бошқа ваколатхоналари хузурида тузилган участка сайлов комиссиялари чет давлатларда турган фуқароларни сайловчилар рўйхати билан танишиш усули, жои ва вақти тўғрисида хабардор қиласди.

Чет давлатларда турган фуқаролар Ўзбекистон Республикасининг чет давлатлардаги дипломатик ва бошқа ваколатхоналари хузурида тузилган участка сайлов комиссияларига уларни сайловчилар рўйхатига киритиш тўғрисида сайловдан ўн беш кун олдин ёзма шаклда ёки Ўзбекистон Республикаси **Ташқи ишлар вазирлигининг расмий веб-сайти** орқали электрон шаклда мурожаат қилиши мумкин.

Ўзбекистон Республикасининг чет давлатлардаги дипломатик ва бошқа ваколатхоналари хузурида тузилган участка сайлов комиссиялари чет давлатларда турган фуқароларнинг уларни сайловчилар рўйхатига киритиш тўғрисидаги мурожаатида кўрсатилган шахсга доир маълумотларни текширади ва фуқарони сайловчилар рўйхатига киритиш ҳақидаги масалани ҳал қиласди.

Ўзбекистон Республикасининг чет давлатлардаги дипломатик ва бошқа ваколатхоналари хузурида тузилган участка сайлов комиссиялари сайловчилар рўйхатига киритилган фуқаролар ҳақидаги маълумотларни Ўзбекистон Республикаси Ташқи ишлар вазирлигига тақдим этади.

Ташқи ишлар вазирлиги сайловчилар рўйхатига киритилган фуқаролар ҳақидаги маълумотларни Ўзбекистон Республикаси Вазирлар Маҳкамаси хузуридаги **Давлат персоналлаштириш марказига** Сайловчиларнинг ягона электрон рўйхатига тегишли тузатишлар киритиш учун тақдим этади.



IV. ФУҚАРОЛАРНИ САЙЛОВЧИЛАРНИНГ РЎЙХАТИ БИЛАН ТАНИШТИРИШ

Фуқароларга участка сайлов комиссияси биносида сайловчилар рўйхати билан танишиш, шунингдек Марказий сайлов комиссиясининг расмий веб-сайти орқали сайловчилар рўйхатидан ўзларига тегишли маълумотлар билан танишиш имконияти таъминланади.

Шунингдек, участка сайлов комиссияси биносига келган фуқаролар турли маълумотларни билиб олишлари ҳамда сайловга оид бошқа саволларга жавоб олишлари мумкин.



Сайлов участкасидан қўйидаги маълумотларни билиб олишлари мумкин:

- сайлов комиссиясининг рўйхати;
- сайлов участкасида овоз бериш мумкин бўлганд номзодлар хакида;
- сайлов участкасининг чегаралари курсатилган харита;
- сайлов қонунчилиги меъёрлари;
- сайлов участкаси бўйича сайловчиларнинг умумий рўйхати

Сайловчиларнинг ягона электрон рўйхатининг кўриниши

Чет давлатларда турган фуқароларга сайловчилар рўйхатидаги ўзига тегишли маълумотлар билан танишиш имконияти Ўзбекистон Республикаси Ташқи ишлар вазирлиги, Ўзбекистон Республикаси-

нинг чет давлатлардаги дипломатик ва бошқа ваколатхоналари расмий веб-сайтлари орқали ҳам таъминланади.

Сайловчилар рўйхатига киритилмайдиган фуқаролар:

Суд томонидан муомалага лаёкатсиз деб топилган фуқаролар, шунингдек оғир ва ўта оғир жиноятлар содир этгандиги учун суднинг ҳукми билан озодликдан маҳрум этиш жойларида сақланаётган шахслар сайловчилар рўйхатига киритилмайди



Участка сайлов комиссияси рўйхат билан танишиш жойи ва вақти тўғрисида хабардор этади. Сайлов комиссиялари сайловчиларнинг рўйхати ҳамма танишиб чиқиши учун тақдим этилганидан кейин ҳам уларга ўзгартишлар киритиши мумкин.

Сайловчиларнинг рўйхатига ўзгартишлар киритиш сайловга беш кун қолганида тўхтатилади. Ҳар бир фуқаро сайловчиларнинг рўйхатидаги хато ёки ноаниқлик тўғрисида участка сайлов комиссиясига арз қилиши мумкин. Участка сайлов комиссияси **24 соат** ичida мурожаатни текшириши ва хатони ёки ноаниқликни бартараф этиши ёхуд мурожаат қилувчига унинг мурожаати рад этилганилиги тўғрисида асослантирилган жавоб бериши шарт. Шунингдек, сайловчилар рўйхатига киритилмайдиган шахслар ҳам бўлиб, бу тоифани куйидаги шаклда кўриш мумкин:

V. САЙЛОВЧИЛАР РЎЙХАТИГА ТУРЛИ САБАБЛАРГА КЎРА КИРИТИЛМАЙ ҚОЛГАН ФУҚАРОЛАР КИМГА МУРОЖААТ ҚИЛИШЛАРИ КЕРАК

Сайловчилар рўйхатига ўзгартишлар киритиш сайловга уч кун қолганда тўхтатилади. Ўз-ўзидан сайловчилар рўйхатига турли сабабларга кўра киритилмай қолган фуқаролар сайлов ҳуқуқини қандай амалга оширади? – деган ҳақли савол туғилади.

Амалдаги қонунчилликка мувофиқ, овоз бериш куни бирон-бир сабаб билан сайловчилар рўйхатига кирмай қолган сайловчилар шахсини, фуқаролиги ва яшаш жойини тасдиқловчи **хужжат асосида сайловчилар рўйхати иловасига киритилиши мумкин**.



Бу ҳолатда участка сайлов комиссияси сайловчини қайси участка сайлов комиссиясига тегишилигини аниқлайди ва тегишили участка сайлов комиссиясига сайловчи ушбу сайлов участкасида овоз берганлиги ҳакида алоқа воситалари орқали хабар беради. Хабардор қилинган участка сайлов комиссияси ушбу сайловчи бошқа сайлов участкасида овоз берганлиги ҳақидаги маълумотни сайловчилар рўйхатига киритади.

Қайд этиш лозимки, сайлов куни сайлов участкаларида сайловчиларнинг ягона электрон рўйхатидан олинган сайловчилар рўйхатларидан фойдаланилади. Бу орқали сайловчилар рўйхатига киритилмай қолган фуқаро овоз бериш куниёқ сайловчилар рўйхатига киритилиш имконига эга бўлади. Шунингдек, бу сайловчининг битта овозга эга эканлиги борасидаги тамоийлни амалга оширишга кўмаклашади.

Масалан, сайловчилар рўйхатига маълум сабаблар туфайли киритмаган шахс сайлов участкасига овоз бериш учун келса, у рўйхатга киритилади.

Шунингдек, бир оила вакили келиб оиласининг барча вакиллари номидан овоз беришни талаб этса, унга бир сайловчи факат битта овозга эга эканлиги тушунтирилиши лозим. Ҳар икки ҳолатда ҳам улар томонидан сайловда иштирок этишга тўсқинлик қилинмайди. Уларга қонуний талаб ва ҳуқуқий жавобгарлик масалалари тушунтирилади.

VI. САЙЛОВЧИЛАРНИ РЎЙХАТГА ОЛИШ БЎЙИЧА ХОРИЖИЙ ТАЖРИБА


Халқаро амалиётда сайловчиларни рўйхатларга киритишнинг турли шаклларидан, жумладан, аҳоли реестри асосида, фуқаролик ҳолатларини қайд этувчи органлар маълумотлари асосида, турар жой бўйича маълумотлар асосида, сайлов комиссиялари аҳолини



уйма-уй айланиб чиқиш натижалари бўйича, электрон почта орқали, интернет орқали, мобил телефон орқали рўйхатга олиш усулларидан фойдаланилади. **Халқаро сайлов стандартларига мувофиқ сайловчилар рўйхатини тузишнинг икки хил тизими мавжуд.**

Биринчиси – рўйхатга киритишнинг фаол (*self-initiated systems*) тизими. Бунда фуқаролар ўзларини сайловчилар сифатида рўйхатларга киритилиши ҳақидаги илтимос билан мурожаат қилишлари лозим (Канада). Иккинчиси, яъни пассив (*state-initiated systems*) тизимга кўра сайловчилар рўйхати аҳоли реестри ёки фуқаролар реестри ёхуд хисобга олишнинг бошқа шакллари асосида автоматик тарзда тузилади (Австралия, Швеция, Италия).

Шунингдек, аралаш тизим (*mixed strategy*) ҳам мавжуд бўлиб, унда фуқаролар ҳам, давлат ҳам рўйхатта олиш учун масъулдирлар. Давлат рўйхатдан ўтишни енгиллаштириш учун чора-тадбирларни амалга оширади, ўз навбатида, фуқаролар ҳам мазкур жараёнга ўз хиссаларини қўшишлари керак. Ушбу тизим рўйхатдан ўтишни рағбатлантиришга қаратилган бўлиб, ресурслари ҳамда инфрату-



зилмаси чекланган, иктисадий жиҳатдан кам ривожланган давлатларга ёрдам беради.

Мазкур тартибга кўра, ҳукумат рўйхатдан ўтиш даври саналарини аниқлайди ва кўплаб рўйхатга олиш марказларини ташкил қиласди. Фуқаролар рўйхатдан ўтиш учун ташаббус билан боришлини шарт. Ўзбекистон Республикаси қонунчилигига мувофиқ фуқароларни сайловчилар рўйхатига киритишнинг пассив тизимига, яъни мажбурий тизимига асосланади.

Бундай тизим сайловнинг тенглик принципини таъминлашга хизмат қиласди. Сайловчиларни пассив тизимда рўйхатта олиш сайлов-

ларнинг ҳақиқийлиги ёки ҳақиқий эмаслигини ҳамда сайлов-чиларнинг аниқ сонини аниклашда ҳам муҳим аҳамият касб этади.

Жорий қонунчилигимизга мувоғик, сайлов агар унда сайловчилар рўйхатига киритилган сайловчиларнинг ўттиз уч фоизидан ками иштирок этган бўлса, ўтмаган деб топилади.

Шу боис сайловчиларнинг рўйхатини аниқ шакллантириш сайловни ўтказиш чогида маълумотларни сохталаштириш ва турли сунистехнологияларни олдини олиш имконини беради.

Хулоса ўрнида айтиш мумкинки, сайловчиларнинг аниқ рўйхати фуқароларнинг teng сайлов ҳуқуқи принципини рўёбга чиқариб, мамлакатимизда ўтказиладиган Ўзбекистон Республикаси Президенти сайлови, Қонунчилик палатаси депутатлари сайлови ҳамда Маҳаллий Кенгашларга сайловларда фуқароларга давлат бошиқарувида сайлов орқали иштирок этишдек сиёсий ҳуқуқларидан тўсқинликсиз фойдаланиш борасида қулайлик яратиб беради.

МУНДАРИЖА

КИРИШ	3
I. Сайловчиларнинг рўйхати қандай шакллантирилади	5
II. Сайлов жараёнида замонавий ахборот технологияларидан фойдаланиш	7
III. Чет давлатларда турган фуқароларни сайловчилар рўйхатига киритиш	10
IV. Фуқароларни сайловчиларнинг рўйхати билан таништириш	12
V. Сайловчилар рўйхатига турли сабабларга кўра киритилмай қолган фуқаролар кимга мурожаат қилишлари керак	13
VI. Сайловчиларни рўйхатга олиш бўйича хорижий тажриба	14

Х.У. ТУРДИЕВ, А.Ш. СОДИКОВ

**САЙЛОВЧИЛАРНИНГ РҮИХАТИНИ
ТУЗИШ ТАРТИБИ**

(өммабоп рисола)

Масъул мухаррир: Ҳ. Салоева

Мухаррир: Ш. Жаҳонов

Техник мухаррир: У. Сапаев

Компьютерда саҳифаловчи: Д. Ражсанов

Босишига руҳсат этилди: 27.03.2021.
Ҳажми: 2 б.т. Адади: 40. Буюртма: № 9.

Тошкент давлат юридик университети
Типография бўлимида чоп этилди.
Тошкент шаҳри, Сайилгоҳ кӯчаси, 35-уй.

ИЛМИЙ-ОММАБОП РИСОЛАЛАР МАХСУС СЕРИЯСИ:

- 1) Президент сайловининг ўзига хос хусусиятлари;
- 2) Президентликка номзодларнинг ҳуқуқий мақоми;
- 3) Президент сайловида сиёсий партияларнинг иштироки;
- 4) Сайловолди ташвиқоти;
- 5) Сайловда овоз бериш тартиби;
- 6) Сайловларда очиқлик ва ошкоралик;
- 7) Сайловчиларнинг рўйхатини тузиш тартиби;
- 8) Сайлов ҳуқуқларига оид шикоятларни кўриб чиқиш;
- 9) Сайлов қонунчилигини бузганлик учун жавобгарлик;
- 10) Халқаро сайлов стандартлари;
- 11) Кузатувчиларнинг ҳуқуқий мақоми;
- 12) Марказий сайлов комиссиясининг мақоми;
- 13) Округ сайлов комиссияларининг мақоми;
- 14) Участка сайлов комиссияларининг мақоми.



ИЛОВАНИ ЮКЛАБ ОЛИШ:

